

**Bosna i Hercegovina
Federacija Bosne i Hercegovine
Tuzlanski kanton
GRAD GRAČANICA**

Predlagač: Gradonačelnik

**INFORMACIJA O STANJU ZAŠTITE OD POŽARA
I VATROGASTVA, PRAĆENJU I IZVRŠENJU
PLANA ZAŠTITE OD POŽARA NA PODRUČJU
GRADA GRAČANICA U 2022.GODINI**

Razmatra: Gradsko vijeće

Obrađivač: Služba za civilnu zaštitu

Gračanica, februar 2023. godine

Uvod

Ova informacija ima cilj prikazati stanje zaštite od požara i vatrogastva na području grada Gračanica (u daljem tekstu: Grad) u 2022. godini kroz nekoliko karakteristika koje su bitne za ovu djelatnost na području grada, a to su:

1. Požarni rizik i način organizovanja zaštite od požara i vatrogastva na području grada
2. Organizacija zaštite od požara
3. Aktivnosti PVJ Gračanica u 2022. godini
4. Praćenje i izvršenje Plana zaštite od požara u 2022. godini
5. Stanje i potrebe za opremanjem vatrogasne jedinice

Glavninu informacije čine aktivnosti Profesionalne vatrogasne jedinice, odnosno Odsjeka za zaštitu od požara i vatrogastvo u Službi za civilnu zaštitu, koji obavlja operativne poslove vatrogasne djelatnosti i čini osnovnu organizovanu snagu za djelovanje u uslovima izbijanja požara, ali i drugih prirodnih ili drugih nesreća.

Zaštita od požara obuhvata skup mjera i radnji upravne, organizacione, tehničke, obrazovne i propagandne prirode koje se preduzimaju u cilju zaštite ljudskih života i imovine od požara.

Vatrogastvo je obavezna javna služba čija je osnovna djelatnost zaštita i spašavanje ljudi i materijalnih dobara od požara i čije trajno i neometano obavljanje osiguravaju Federacija, kanton, općina i grad na način predviđen zakonom. Vatrogasna djelatnost je stručna i humanitarna djelatnost koja je u funkciji zaštite osnovnih ljudskih prava na život i materijalna dobra, pa stoga predstavlja poseban javni interes za sve nivoe vlasti u Federaciji BiH.

U svrhu zaštite života ljudi i njihove imovine od požara preduzimaju se mjere i radnje za otklanjanje uzroka požara, za sprječavanje nastajanja i širenja požara, za otkrivanje i gašenje požara, za spašavanje ljudi ugroženih požarom, za utvrđivanje uzroka požara, kao i za pružanje pomoći kod otklanjanja posljedica prouzrokovanih požarom.

Zaštitu od požara organizuju i osiguravaju njeno sprovođenje vlasnici, odnosno korisnici imovine na način utvrđen Zakonom i drugim propisima.

Svaki pojedinac ima obavezu da vodi računa da svojim postupcima ne ugrožava živote ljudi i imovinu drugih vlasnika.

Prema Zakonu o zaštiti od požara i vatrogastvu u Federaciji Bosne i Hercegovine („Službene novine Federacije BiH“, broj: 64/09) odgovorna lica za organizovanje zaštite od požara su:

1. vlasnik, odnosno korisnik imovine kada se radi o privatnom vlasništvu,
2. rukovodilac organa uprave, upravne organizacije i drugog državnog organa Federacije, kantona, grada i općine,
3. direktor, odnosno drugo odgovorno lice u privrednom društvu i drugom pravnom licu određeno općim aktom pravnog lica.

Prema tome, zaštita od požara je zasnovana na konceptu da obuhvata sve društvene subjekte (državne organe i druge institucije i sva pravna lica i građane- fizička lica) i na taj način svi ti subjekti su odgovorni da se u okviru svojih redovnih poslova i zadataka moraju baviti i zaštitom od požara i ta zaštita mora biti sastavni dio njihove redovne djelatnosti. Ovdje mora biti prisutan i lični interes svakog subjekta da zaštiti svoje ljudstvo i svoju imovinu od požara. Znači da je svijest o požaru i posljedicama koje može da izazove veoma važna za opredjeljenje i angažovanje svakog vlasnika i korisnika imovine da je zaštite od požara i eksplozija.

1. Požarni rizik područja grada Gračanica

Sa površinom od 219,5 km² i sa 45.220 stanovnika (prema popisu iz 2013. godine) Grad Gračanica spada u red većih lokalnih zajednica Tuzlanskog kantona.



Država	Bosna i Hercegovina
Entitet	Federacija Bosne i Hercegovine
Kanton	Tuzlanski
Sjedište	Gračanica
Površina	219,5 km ²
Stanovništvo	59.134 (1991. godina - popis)
	45.220 (2013. godina - popis)
Stanovništvo-MZ Gračanica	12.712 (1991. godina - popis)
	12.882 (2013. godina - popis)
Geografske koordinate	44° 41' 21" SGŠ 18° 18' 08" IGD

Sa aspekta požarne ugroženosti, područje grada karakteriše postojanje velikih šumskih kompleksa (65,6 km²), velikih poljopivrednih površina (cca 132,7 km²) kao i razvijena i raznovrsna industrijska i zanatska djelatnost (industrijska zona grada), veći broj tržnih centara sa velikim brojem ljudi tokom radnog vremena, te velika gustina objekata u većini naselja, a posebno u gradskom dijelu grada i prigradskim mjesnim zajednicama.

Požarni rizik u industriji i zanatstvu je veliki zbog upotrebe velikog broja zapaljivih materija (drvena industrija-primarna i sekundarna, industrija kože, obuće i tekstila, grafička djelatnost, prerada i galvanizacija plastičnih masa, različita goriva i maziva i sl.).

Raznovrsnost proizvodnih procesa u industrijskim pogonima, veliki broj benzinskih pumpi (17), velikih trgovačkih centara (8), specijalizovanih trgovinskih radnji sa većim zalihama boja, lakova i sl. predstavlja visok požarni rizik, koji zahtijeva adekvatnu organizaciju zaštite od požara u svim navedenim djelatnostima.

Pregled požara po vrstama u periodu 2010.-2022. godina

	2010	2011	2012	2013	2014	2015	2016	2017	2018	2019	2020	2021	2022	Ukupno
Industrijski objekti	1	3	11	2	3	6	-	3	4	3	2	7	5	45
Zanatski objekti	1	2	3	-	1	-	-	6	-	-	-	-	-	13
Stambeni objekti	11	16	12	13	17	26	15	29	14	20	11	22	22	206
Ekonomski objekti	7	7	9	6	7	6	3	6	5	6	8	12	4	82
Šumski i nisko rastinje	5	37	57	11	6	26	8	39	17	37	35	27	30	305
Prevozna sredstva	5	-	2	1	8	2	6	7	5	7	5	7	12	55
Kontejneri za smeće	7	6	6	4	5	16	6	7	2	5	5	3	4	72

Tehničke intervencije	-	7	7	5	10	8	8	9	12	9	13	10	14	98
Stočna hrana	3	3	4	8	5	-	3	2	5	3	-	1	2	37
Deponije smeća	3	5	5	6	2	4	2	4	3	5	3	4	7	46
Javni objekti	1	-	-	-	-	-	-	-	1	1	-	-	-	3
Ostale intervencije	-	2	2	3	5	3	1	-	5	3	2	4	6	30
Ukupno (na području grada)	44	88	118	59	69	97	52	112	73	99	84	97	106	1098
Općina Doboj Istok	-	-	4	4	2	8	2	-	-	-	-	-	-	20

Iz gornjeg prikaza broja i vrste požara u posljednjih 13 godina može se vidjeti da je najveći broj požara zabilježen na stambenim objektima (najčešće na dimnjacima) i na niskom rastinju i šumskim površinama. Ohrabruje činjenica da se nisu desili požari velikih razmjera, što ukazuje na blagovremeno preduzimanje preventivnih i operativnih mjera zaštite od požara od strane odgovornih lica.

Požari na otvorenom prostoru najviše štete nanose šumama i šumskom zemljištu. Šumski kompleksi su vrlo osjetljivi na požare, jer se, pored osnovne namjene koriste i kao mjesta za odmor-izletišta. Požarnoj ugroženosti šumskih površina doprinose i visoke temperature zraka koje često vladaju u ljetnim mjesecima, kao i neodgovoran odnos korisnika tih izletišta.

Posebno su ugrožene šumske kulture četinara i kulture uz putne komunikacije, te one u blizini naselja. Opasnost od požara nastaje i u vrijeme kada prevladavaju suhi proljetni vjetrovi, u periodu čišćenja i pripreme poljoprivrednih površina za obradu, a zatim, u ljetnom periodu s visokim dnevnim i noćnim temperaturama. Požar je poguban za šumske površine, jer može potpuno uništiti šumu i život u njoj, pa i mikroorganizme u površinskom sloju zemljišta, tako da su na taj način pričinjene štete nenadoknadive, pogotovo sa aspekta erozije tla i očuvanja ekosistema u šumama.

Šumama i šumskom zemljištu na nivou Tuzlanskog kantona gazduje Javno preduzeće „Šume Tuzlanskog kantona“ d.d. Kladanj, koje svake godine donosi svoj Plan zaštite šuma od požara i jedan primjerak dostavlja službama za civilnu zaštitu općina i gradova na TK. Plan sadrži organizaciju zaštite šuma i šumskog zemljišta od požara, na nivou preduzeća i po radnim jedinicama, lica zadužena za zaštitu od požara (štab na nivou preduzeća i po odjelima), materijalno tehnička sredstva za gašenje požara sa kojima raspolaže preduzeće, kao i preventivne mjere zaštite koje će se primjenjivati u šumama i šumskom zemljištu. Tačkom 9.5. Plana zaštite od požara TK („ Službene novine TK“, broj: 8/17) stoji konstatacija da JP „Šume TK“ d.d. Kladanj nema sopstvenu vatrogasnu jedinicu, nego za potrebe gašenja požara angažuju vatrogasne jedinice onih opština/gradova na čijem području se odvijaju požari.

U slučaju požara većih razmjera, u skladu sa Planom mobilisu se svi uposlenici Društva i sva raspoloživa materijalno-tehnička sredstva, te uvode dežurstva po šumarijama dok za to postoji potreba.

Pored šuma, šumskog i poljoprivrednog zemljišta, požarno najugroženija su naselja, kako gradska tako i ruralna.

Požarna opasnost u gradu djelimično je umanjena primjenom prostornih i tehničkih mjera zaštite od požara kod planiranja i izgradnje novih objekata i postojanjem sistema vanjske hidrantske mreže u gradskim naseljima i unutrašnje hidrantske mreže u stambenim zgradama. Većina stambenih i industrijskih objekata na području gradske uprave građena je od čvrstih

materijala velike vatrootpornosti (cigla, beton), a dobra mreža puteva u svim naseljenim mjestima omogućava prilaz objektima u slučajevima potrebe za protivpožarnim intervencijama.

Svako naseljeno mjesto ima vodovodnu infrastrukturu, a uviđajući potrebu pojedine mjesne zajednice su u novije vrijeme pristupile planiranju i izgradnji vanjske hidrantske mreže (u sklopu realizacije projekata vodosnabdijevanja), što će doprinijeti efikasnijoj zaštiti od požara i vatrogastvu u tim mjesnim zajednicama. Na osnovu podataka dobijenih od predsjednika vijeća mjesnih zajednica u 2022. godini stanje sa hidrantskom mrežom po mjesnim zajednicama je slijedeće: MZ Buk-1 hidrant, MZ Soko-2 hidranta, MZ G. Orahovica-2 hidranta, MZ Stjepan Polje-24 hidranta, MZ D. Orahovica-2 hidranta i MZ Gračanica-19 hidranata.

Zbog činjenice da se količine vode u ljetnim mjesecima, u uslovima dugotrajnog odsustva padavina, u većem broju naselja znatno smanjuju, potrebno je osigurati alternativne izvore vode za potrebe gašenja požara. Izgradnjom minimalnog broja vanjskih hidranata u svim mjesnim zajednicama povećala bi se efikasnost u protivpožarnim intervencijama na području tih mjesnih zajednica.

2.Organizacija zaštite od požara

Odsjek za zaštitu od požara i vatrogastvo-Profesionalna vatrogasna jedinica Gračanica

Organizovanje i provođenje zaštite od požara i vatrogastva na području grada vrši se na osnovu Odluke o organizovanju i funkcionisanju zaštite od požara i vatrogastva na području Općine Gračanica („Službeni glasnik Općine Gračanica“, broj: 2/13), Plana zaštite i spašavanja od prirodnih drugih nesreća, Plana zaštite od požara, kao i na osnovu planova organizovanja zaštite od požara pravnih i fizičkih lica koja imaju tu obavezu po osnovu važećih zakona o zaštiti od požara (FBiH i TK) i drugih podzakonskih akata koji se odnose na ovu oblast.

Zakonom o zaštiti od požara i vatrogastvu uređena je organizacija i funkcionisanje zaštite od požara, planiranje i provođenje mjera zaštite od požara, organizacija i funkcionisanje vatrogastva, na svim nivoima, od Federacije BiH, kantona i općina/gradova, te pravnih i drugih lica.

Općine i gradovi, kao jedinice lokalne samouprave i kanton, imaju pravo i dužnost da osiguraju zaštitu života i zdravlja ljudi i materijalnih dobara od požara na svom području, što se ostvaruje osnivanjem profesionalnih vatrogasnih jedinica. Na području grada Gračanica osnovana je i djeluje Odsjek za zaštitu od požara i vatrogastvo-Profesionalna vatrogasna jedinica, koja je organizacijski dio Službe za civilnu zaštitu.

Osnovni i najvažniji posao vatrogasne jedinice jeste gašenje požara i spašavanje života i zdravlja ljudi i materijalnih dobara ugroženih požarom. Pored toga, vatrogasna jedinica se angažuje i na poslovima tehničke pomoći u spašavanju ljudi i materijalnih dobara koji su ugroženi nekom prirodnom ili drugom nesrećom.

Imajući u vidu površinu gradskog područja, broj stanovnika, požarno opterećenje i usvojenu Procjenu ugroženosti i Plan zaštite od požara za područje općine/grada Gračanica, broj izvršilaca-vatrogasaca u Odsjeku za zaštitu od požara i vatrogastvo-PVJ Gračanica još uvijek nije zadovoljavajući, iako je značajno popravljen u posljednje vrijeme. I taj nedostajući broj izvršilaca-vatrogasaca bi trebalo u narednom periodu popuniti, kako bi se rad mogao organizovati na način koji predviđa vatrogasna struka i praksa.

Takođe, oprema i sredstva sa kojima raspolaže jedinica, a naročito vozila, je većim dijelom zastarjela, tako da njihova funkcionalnost i upotreba umanjuje spremnost i operativnost jedinice. Iz prirode ove djelatnosti i potrebe za njenim usavršavanjem, kako ljudskim, tako i materijalno-tehničkim resursima, može se reći da su gotovo svi problemi u vatrogastvu vezani za finansijska sredstva, odnosno za nedostatak finansijskih sredstava. Finansiranje zaštite od požara i vatrogastva, kako je to propisao zakon ne provodi se na zadovoljavajući način. Izdvajanje namjenskih sredstava Društava za osiguranje i drugih pravnih lica koja se bave osiguranjem imovine pravnih i fizičkih lica (član 137. Zakona o zaštiti od požara i vatrogastva) od naplaćene

funkcionalne premije osiguranja imovine od požara i prirodnih sila su mala i nedovoljna (2.036,00 KM), tako da se je opremanje vatrogasne jedinice uglavnom naslonjeno na Budžet Grada Gračanica i u manjoj mjeri i povremeno na sredstva Kantonalne uprave civilne zaštite, koja se dodjeljuju po osnovu javnog poziva. Za tehničku modernizaciju vatrogasne jedinice, koja bi mogla pratiti novije trendove u vatrogasnim intervencijama, potrebna su veća finansijska sredstva. Poseban akcenat u ovome treba dati na nabavku novih vatrogasnih vozila.

Privredna društva i druga pravna lica

Zaštita od požara u većini privrednih društava i drugih pravnih lica na području grada se iz godine u godinu podiže na nivo koji propisuje Zakon, kako u pogledu usklađenosti normativnih akata iz ove oblasti, tako i u pogledu materijalno-tehničke opremljenost. Međutim, pored dobrih primjera i dalje ima proizvodnih i uslužnih kapaciteta, u kojima zaštita od požara nije adekvatno urađena, ili je sa improvizovanim rješenjima, koja ne mogu dati adekvatan odgovor kada se požar desi. Nerijetko je to i u objektima u kojima se planira proizvodni proces ili usluga sa visokim rizikom za izbijanje požara.

I pored određenih nedostataka, može se konstatovati da se ovoj problematici od strane privrednih društava i drugih pravnih lica posvećuje sve veća pažnja i preduzimaju aktivnosti koje propisuje zakon. Tako su u velikom broju njih postavljena lica zadužena za organizovanje i provođenje zaštite i spašavanja (i zaštite od požara), te postavljeni povjerenici civilne zaštite, koji takođe imaju veliku ulogu u sistemu zaštite i spašavanja.

U stambenim zgradama kojih je svaki dan sve više, kada se radi o zaštiti od požara, takođe su nedovoljno primijenjene mjere zaštite od požara, što ih čini požarno vrlo osjetljivim, tako da vlasnici ili korisnici građevina i prostora i upravitelji stambenih objekata moraju preuzeti odgovornost za zaštitu od požara u tim građevinama, prostorima i objektima.

Očekujemo da će se preventivnim radom vlasnika ili korisnika građevina i nadležnih institucija to stanje popraviti u privrednim društvima i pravnim licima gdje to do sada nije ispoštovano, kao i u stambenim objektima na području grada, odnosno u zgradama kolektivnog stanovanja.

3. Aktivnosti PVJ Gračanica u 2022. godini

Odsjek za zaštitu od požara i vatrogastvo-Profesionalna vatrogasna jedinica (u daljem tekstu: PVJ) je organizacioni dio Službe za civilnu zaštitu, koji izvršava: stručno-operativne, administrativne i druge poslove koji se odnose na prevenciju i zaštitu od požara, pregled, održavanje i servisiranje aparata za gašenje početnog požara i druge opreme koja se koristi u svrhu gašenja požara, usluge prevoza vode za fizička i pravna lica, protivpožarno obezbjeđivanje raznih manifestacija gdje se okuplja veći broj ljudi, pružanje pomoći stanovništvu u uslovima prirodnih nepogoda i sl.

Rad Profesionalne vatrogasne jedinice Gračanica i u 2022. godini odvijao se neprekidno, u smjenama, tako da je 16 uposlenika (sa stariješinom jedinice) pokrivalo 24-satni rad ove jedinice.

Od 16 uposlenika, jedan zbog zdravstvenih razloga ne može obavljati poslove vatrogasaca, dok je jedan vatrogasac- vozač najveći dio godine bio na bolovanju.

Povećanje broja uposlenih unazad nekoliko godina doprinijelo je efikasnijem radu u smjenama, kao i mogućnosti korištenja godišnjeg odmora vatrogasaca, ali i dalje treba težiti za popunjavanjem jedinice u skladu sa Planom zaštite od požara, odnosno Pravilnikom o organizaciji i sistematizaciji radnih mjesta u Jedinistvenom gradskom organu uprave, što bi se odrazilo na efikasnost jedinice, naročito u vrijeme povećane opasnosti od požara (proljeće i ljeto).

Pored obavljanja profesionalnih obaveza u gašenju požara i tehničkim intervencijama, angažovanosti na pružanju pomoći stanovništvu, privrednim društvima i drugima kojima je pomoć bila potrebna, pripadnici PVJ Gračanica imaju zakonsku obavezu i stalnog usavršavanja,

kako teoretskog, tako i praktičnog. Ovaj vid aktivnosti vatrogasne jedinice vršen je prema Godišnjem planu i programu stručnog osposobljavanja i usavršavanja vatrogasaca, kao i operativnim sedmičnim i mjesečnim planovima koje je, na osnovu Godišnjeg plana donosio starješina jedinice.

Protivpožarne intervencije su obilježile aktivnost PVJ Gračanica i u 2022. godini, posebno one na objektima i na otvorenom (šumski, nisko rastinje, deponije smeća), a najveći broj tehničkih intervencija je bio nakon saobraćajnih nesreća.

Pregled aktivnosti PVJ Gračanica u periodu 01.01.2022. do 31.12.2022. godine prikazan je u narednim tabelama, sa datumom i mjestom intervencije, upotrijebljenom tehnikom, brojem izvršilaca-vatrogasaca i vremenom trajanja intervencije.

Protivpožarne intervencije

Stambeni objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redov. smjeni	Vanred. angaž. vatr	Trajanje intervenc.
05.01.2022.	Požar na dimnjaku stambenog objekta	Gračanica-Bulakov sokak	Berliet 3000 l	2	-	1 h 15 min.
25.01.2022.	Požar na stambenom objektu	Gornja Orahovica-Dobrnjići-smrtno stradala 1 osoba gušenjem dimom	Berliet 3000 l Iveco 2500 l Berliet 2000 l	2	3	2 h 45 min.
24.02.2022.	Požar na stambenom objektu-vikendica	Gračanica-Mednica	Berliet 3000 l	2	-	1 h
26.02.2022.	Požar na stambenom objektu-vikendica	Gračanica-Drijenča	Iveco 2500 l	2	-	1 h 25 min
14.03.2022.	Požar na dimnjaku stambenog objekta	MZ D.Orahovica-Kamenica	Berliet 3000 l	2	-	1 h
15.03.2022.	Požar na stambenom objektu-vikendica	Gračanica-Hurije	Berliet 3000 l	2	-	1 h
19.03.2022.	Požar na stambenom objektu	MZ Babići	Berliet 3000 l	3	1	1 h 30 min.
01.04.2022.	Požar na stambenom objektu	Gračanica-Kej	FAP 8000 l Berliet 3000 l	2	3	2 h 45 min
30.04.2022.	Požar na dimnjaku stambenog objekta	Gračanica-Korića Han	Berliet 3000 l	2	-	1 h 15min
09.05.2022.	Požar na dimnjaku stambenog objekta	Gračanica-Bazen	Berliet 3000 l	2	-	1 h 25 min
12.05.2022.	Požar na krovu stambenog objekta	Gračanica-Lipa	Berliet 3000 l	2	1	1 h 45 min
24.05.2022.	Požar na stambenom objektu-dva lica zadobila opekotine	MZ Gornja Lohinja	Berliet 2000 l	2	-	1 h 40 min.
08.07.2022.	Požar na stambenom objektu-kuhinja	Gračanica-Ritošići	Berliet 3500 l	2	1	1 h
12.08.2022.	Požar na stambenom objektu (1 lice povrijeđeno)	MZ Babići	Berliet 3500 l Iveco 2500 l	3	1	1 h 20 min.
19.09.2022.	Požar na dimnjaku stambenog objekta	Gračanica-Ritošići	Berliet 3500 l	2	-	1h 10 min.
05.11.2022.	Požar na stambenom objektu	Gračanica-Soljanuša	Berliet 3500 l Iveco 2500 l	3	2	2 h 30 min.
18.11.2022.	Požar na krovu stambenog objekta	MZ Lukavica	Berliet 3500 l	2		1 h 30min.
08.12.2022.	Požar na krovu stambenog objekta	Gračanica-Bahići	Berliet 3500 l	2		1 h 15 min

11.12.2022.	Požar na dimnjaku stambenog objekta	Gračanica	Berliet 3500 l	2		1 h 20 min.
19.12.2022.	Požar na stambenom objektu (podrum)	Gračanica-Javor	Berliet 3500 l	2		1 h
22.12.2022.	Požar na stambenom objektu-vikendica	Gračanica-Derva	Berliet 3500 l	2	-	1 h
22.12.2022.	Požar na stambenom objektu-vikendica	Gračanica-Soljanuša	Iveco 2500 l	2		1 h

Ekonomski objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.v atr	Trajanje intervenc.
07.01.2022.	Požar na pomoćnom objektu-kotlovnica	MZ Piskavica	Berliet 3000 l	2	-	1 h 10 min.
11.03.2022.	Požar na pomoćnom objektu-kotlovnica	Gračanica-Drafnići	Berliet 3 000 l	2	-	50 min.
12.03.2022.	Požar na pomoćnom objektu	Gračanica-Bahići	Iveco 2500 l	2	-	45 min
24.05.2022.	Požar na pomoćnom objektu-radionica	MZ Pribava	Berliet 3000 l	2	-	1 h

Šumski požari

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. Smjeni	Vanred. Angaž.v atr.	Trajanje intervenc.
15.03.2022.	Šumski požar	MZ Miričina-Gornja Miričina	Mercedes 3500 l	2	1	1 h 20 min.
20.03.2022.	Šumski požar	MZ Lukavica	Mercedes 3500 l	2	1	1h 45 min.

Kontejneri za smeće

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.v atr	Trajanje intervenc.
18.03.2022.	Požar na smeću u kontejneru	Gračanica-naselje Jug	Berliet 3000 l	1	-	20 min.
16.10.2022.	Požar na kontejneru za smeće	Gračanica-Zelena pijaca	Berliet 3500 l	1	-	15 min.
11.11.2022.	Požar na kontejneru za smeće	Gračanica	Berliet 3500 l	1	-	20 min.
17.12.2022.	Požar na kontejneru za smeće	Gračanica-Zelena pijaca	Berliet 3000 l	1	-	15 min.

Nisko rastinje i korov

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. Smjeni	Vanred. Angaž. vatr	Trajanje intervenc.
11.02.2022.	Požar na niskom rastinju	MZ Škahovica	Berliet 3000 l	2	-	1 h 10 min
11.02.2022.	Požar na niskom rastinju	MZ Dobrovci	Berliet 3000 l	3	-	1h 20 min.
13.02.2022.	Požar na niskom rastinju	MZ Babići	Iveco 2500 l	2	-	1 h

14.02.2022.	Požar na niskom rastiđu i korovu	MZ Lukavica-Delići	Iveco 2500 l	2	-	1 h 15 min
05.03.2022.	Požar na niskom rastiđu	Gračanica-Drafnići	Berliet 3000	2	-	1 h
12.03.2022.	Požar na niskom rastiđu	Gračanica-Vuknić	Berliet 3000	2	-	1 h
14.03.2022.	Požar na suhom korovu	Gračanica-Drafnići	Iveco 2500 l	2	-	1 h 10 min
19.03.2022.	Požar na niskom rastiđu	MZ Vranovići	Iveco 2500 l	2	-	1 h
20.03.2022.	Požar na niskom rastiđu	MZ Miričina	Berliet 3000 l	2	-	1 h 10 min
21.03.2022.	Požar na niskom rastiđu i korovu	MZ Džakule	Iveco 2500 l	2	-	1 h 10 min.
21.03.2022.	Požar na niskom rastiđu i korovu	Gračanica-Straževac	Berliet 3000 l	3	1	1 h 30 min.
24.03.2022.	Požar na niskom rastiđu i korovu	MZ Džakule	Berliet 3000 l	2	-	1 h
25.03.2022.	Požar na niskom rastiđu i korovu	MZ Gornja Lohinja	Iveco 2500 l	2	-	1 h
26.03.2022.	Požar na niskom rastiđu i korovu	MZ Malešići	Berliet 3000 l	3	1	1 h 30 min
26.03.2022.	Požar na niskom rastiđu i korovu	Gračanica-Hurije-Straževac	Iveco 2500 l	2	-	1 h
26.03.2022.	Požar na niskom rastiđu i korovu	MZ Vranovići	Mercedes 3500 l	3	1	2 h
27.03.2022.	Požar na niskom rastiđu i korovu	MZ Stjepan Polje	Iveco 2500 l	2	-	45 min.
27.03.2022.	Požar na niskom rastiđu i korovu	MZ Vranovići	Berliet 3000 l	2	-	1 h
13.07.2022.	Požar na suhom korovu	MZ Miričina	Berliet 3000 l	2	-	45 min
15.07.2022.	Požar na suhom korovu	MZ Soko	Berliet 3000 l	2	-	40 min
18.07.2022.	Požar na suhom korovu	MZ Džakule	Iveco 2500 l	2	-	1 h 30 min
19.07.2022.	Požar na suhom korovu	MZ Lendići	Berliet 3000 l	2	-	1 h
20.07.2022.	Požar na korovu i niskom rastiđu	Opština Petrovo-MZ Sočkovac	Berliet 3000 l Iveco 2500 l	3	1	1 h 50 min.
21.07.2022.	Požar na suhom korovu	MZ Soko	Berliet 3000 l	2	-	2 h
30.07.2022.	Požar na suhom korovu	Gračanica-Bijela Polja	Iveco 2500 l	2	-	45 min.
03.08.2022.	Požar na korovu i niskom rastiđu	MZ Rašljeva-Kulići	Mercedes 3500 l Iveco 2500 l	2	2	2 h
08.08.2022.	Požar na suh. kor.	MZ Lendići	Berliet 3000 l	2	-	1 h 10 min.
08.08.2022.	Požar na suh. kor.	Grač.-Korića Han	Berliet 3000 l	2	-	50 min.

Motorna vozila

Datum	Vrsta događaja	Mjesto intervencije	MTS sa kojim se intervenisalo	Broj izvrš. u redovn. smjeni	Vanred. Angaž. vat	Trajanje intervenc.
25.02.2022.	Požar na putničkom motornom vozilu	Gračanica-Luke	Berliet 3000 l	2	-	30 min.
06.03.2022.	Požar na putničkom motornom vozilu	MZ Lukavica	Berliet 3000 l	2	-	45 min
07.03.2022.	Požar na putničkom motornom vozilu	MZ Lukavica	Iveco 2500 l	2	-	30 min.
04.05.2022.	Požar na putničkom motornom vozilu	Gračanica – parking	Iveco 2500 l	2	-	40 min.
04.06.2022.	Požar na motornom vozilu	Gračanica-Korića Han	Berliet 3000 l	2	-	30 min
14.06.2022.	Požar na motornom vozilu	MZ Rašljeva	Iveco 2500 l	2	-	40 min.
18.07.2022.	Požar na putničkom motornom vozilu	Gračanica-Ul. Sarajevska	Berliet 3000 l	2	-	30 min.
19.08.2022.	Požar na putničkom motornom vozilu	Gračanica-Lamele	Iveco 2500 l	2	-	30 min.
22.08.2022.	Požar na putničkom motornom vozilu	Gračanica-Crni put	Berliet 3000 l	2	-	45 min.
16.09.2022.	Požar na putničkom motornom vozilu	Gračanica-Luke	Iveco 2500 l PP aparat	2	-	25min.
17.11.2022.	Požar na putničkom motornom vozilu	MZ Donja Lohinja	Iveco 2500 l	2	-	30 min.
22.12.2022.	Požar na putničkom motornom vozilu	Gračanica-Javor	Iveco 2500 l PP aparat	2	-	30 min.

Stočna hrana

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
18.01.2022.	Požar na sijenu	Gračanica-Bijela Polja	Berliet 3000 l	2	-	45 min
15.09.2022.	Požar na sijenu	MZ Donja Lohinja	Berliet 2500 l	2		1 h 15 min.

Deponije smeća

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
25.03.2022.	Požar na piljevini i otpadu u domaćinstvu	Gračanica-Javor	Berliet 3000 l	2	-	30min.
31.03.2022.	Požar na divljoj deponiji smeća	Gračanica-Hurije	Iveco 2500 l	2	-	30 min.
03.05.2022.	Požar na divljoj deponiji smeća	MZ Donja Orahovica-put za Petrovo	Berliet 3000 l	2	-	45 min.
03.05.2022.	Požar na divljoj deponiji smeća	Opština Petrovo	Berliet 3000 l	2	-	1 h 30 min.
22.06.2022.	Požar na divljoj deponiji smeća	Gračanica-put za Sočkovac	Iveco 2500 l	2	-	30 min.

14.07.2022.	Požar na deponiji smeća Grabovac	Gračanica-Grabovac	Berliet 3000 l	2	-	40 min
21.10.2022.	Požar na deponiji smeća	Gračanica-Šenik	Berliet 3000 l	2	-	30 min.

Industrijski i drugi poslovni objekti

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
13.05.2022.	Požar u fabrici „Natron“	„Natron“ d.o.o. Maglaj	Cisterna preduzeća „Roading“ d.o.o.	2	1	
23.05.2022.	Požar na silosu firme	Stjepan Polje „Isowood“ d.o.o.	Berliet 3000 l	3	1	2 h 30 min
12.07.2022.	Požar na krovu firme „“	Gračanica-Hajdarovac „MAT TRADE“ d.o.o.	Berliet 3000 l	2	1	1 h 30 min.
28.08.2022.	Požar na rashladnom uređaju u ugostiteljskom objektu	Gračanica	PP aparat	2		20 min.
19.10.2022.	Požar na deponiji materijala	Gračanica-„Eko toplane“	Berliet 3000 l	2	1	1 h

Tehničke intervencije

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
17.01.2022.	Saobraćajna nesreća	Magistralni put M-4 Gračanica	Iveco 2500 l Alat za tehničke intervencije	2	-	1h 20 min
05.03.2022.	Saobraćajna nesreća	Gračanica- Malta	Iveco 2500 l Alat za tehn. interv.	2	-	30 min
11.03.2022.	Saobraćajna nesreća (2 lica smrtno stradala)	MZ Stjepan Polje	Berliet 3000 l Alat za tehničke intervencije	3	1	2 h 30 min
28.03.2022.	Saobraćajna nesreća	Na putu M-4 u MZ D.Orahovica	Berliet 3000 l Alat za tehn.interv.	2	1	1h 20 min.
10.04.2022.	Vađenje psa iz rijeke Sokoluše	Gračanica	VW Cady	2	-	40 min
10.05.2022.	Provala u stan (zadesna smrt)	Gračanica	VW Cady	2	1	1h
12.05.2022.	Saobraćajna nesreća	MZ Babići	Berliet 3000 l	2		1 h 45 min
15.06.2022.	Otvaranje stana	Gračanica	Berliet 3000 l, Alat	2	-	1 h
17.06.2022.	Saobraćajna nesreća	Gračanica	Berliet 3000 l	2	-	50 min
03.07.2022.	Asistencija pripadnicima PU Gračanica	Gračanica-Malta	VW Cady Alat	2	2	1 h 30 min
10.11.2022	Otvaranje stana	Gračanica-Varoš	VW Cady-Alat	2	-	30 min.
11.11.2022.	Otvaranje stana	Gračanica-Luke	VW Cady Alat	2	-	30 min.
11.11.2022.	Saobraćajna nesreća	Gračanica-put M-4	Iveco 2500 l Alat za tehn.interv.	2	-	1 h 15 min.
26.12.2022.	Saobraćajna nesreća	Gračanica-put M-4	Berliet 3000 l Alat za tehn.interv.	2	-	1 h

Ostali požari i intervencije

Datum	Vrsta događaja	Mjesto intervencije	MTS sa kojim se intervenisalo	Broj izvrš. U redovn. Smjeni	Vanred. Angaž.vat r	Trajanje intervenc.
19.02.2022.	Požar na peći za centralno grijanje	Gračanica-Korića Han	Berliet 3000 l	2	-	15 min
10.04.2022.	Požar na skladištu željezničkih pragova	MZ Stjepan Polje	Iveco 2500 l	2	-	50 min.
14.05.2022.	Požar na ogrevnom drvetu u domaćinstvu	Gračanica-Korića Han	Iveco 2500 l	2	-	30 min.
03.10.2022.	Požar na plinskoj boci	Gračanica-Drama	PP aparat	2		10 min.
16.10.2022.	Požar na elektr. brojilu	MZ Pribava	PP aparat	2		25 min.
11.12.2022.	Požar na ptt instalacijama u tavanu objekta	MZ Donja Orahovica	Iveco 2500 l PP aparat	2	-	30 min.

Na osnovu gornjih pokazatelja, u toku 2022. godine na području koje pokriva gradska uprava Gračanica, PVJ Gračanica je imala 106 intervencija, od čega su 92 protivpožarne, a 14 je tehničkih intervencija, što se sumarno vidi iz donjeg prikaza:

- na stambenim objektima 22,
- na ekonomskim objektima 4,
- šumski požari 2,
- na kontejnerima za smeće 4,
- na niskom rastinju i korovu 28,
- na deponijama smeća 7,
- na vozilima 12,
- na stočnoj hrani 2,
- na industr. i drugim poslovnim objektima 5,
- tehničke intervencije 14,
- ostali požari i intervencije 6.

U navedenim protivpožarnim i tehničkim intervencijama PVJ učestvovalo je 230 vatrogasaca (201 redovno angažovan vatrogasac i 29 vanredno angažovanih vatrogasaca).

Od vatrogasnih vozila za gašenje požara korištene su: auto cisterne FAP kapaciteta od 8000 l vode, Berliet sa spremnikom od 3000 l vode, Mercedes sa spremnikom od 3500 l vode, Iveco sa spremnikom od 2500 l vode, vatrogasni kombi, aparati za početno gašenje požara, naprtnjače kao i drugi priručni alat, te hidraulični alati u tehničkim intervencijama.

Kamion FAP koji je služio kao prvo navalno vozilo, zbog starosti i manjih kvarova se ne može koristiti u punom kapacitetu, ali je nužno osposobljen i služi samo za slučaj većih intervencija.

Zaključno sa 31.12. 2022. godini servis za pregled i servisiranje vatrogasnih aparata koji radi u sklopu PVJ Gračanica pregledao je i servisirao 2101 aparata za početno gašenje požara tipa „S“ i 74 aparata tipa „CO₂“.

Takođe, PVJ Gračanica je u 2022. godini prevezla ukupno 58 cisterni vode, mjesnim zajednicama koje su imale problem sa vodosnabdijevanjem u ljetnjem periodu kao i za druge potrebe. Tako je za potrebe zalivanja nogometnog stadiona „Luke“ prevezeno 50 cisterni vode, 6 prevoza vode je bilo u komercijalne svrhe, a 2 cisterne su prevezene za zaseok Devedžije u MZ Lukavica. Svi navedeni prevozi i utrošci vode odobreni su od strane Gradonačelnika.

Sve komercijalne usluge koje vrši PVJ Gračanica uplaćuju se od strane korisnika usluga, po cjenovniku koji je odobrio Općinski načelnik/Gradonačelnik. Za svaku izvršenu uslugu izdaje se fiskalni račun, a dnevni promet-prihod se polaže u banku.

Na osnovu izvršenih usluga PVJ Gračanica je do 31.12.2022.godine ostvarila promet od 25.951,58 KM.

U periodu povećane opasnosti od izbijanja požara, Služba za civilnu zaštitu, zajedno sa Policijskom upravom Gračanica, je preko sredstava informisanja upućivala upozorenja građanima za preduzimanje svih preventivnih mjera prilikom izvođenja radova na spaljivanju korova i otpada prilikom čišćenja površina, naročito ako se izvodi u neposrednoj blizini šuma, stambenih i poslovnih objekata, na izletištima i slično.

PVJ Gračanica je u toku godine vršila i protivpožarno osiguranje kod obilježavanja značajnih datuma i događaja kojima je organizator i pokrovitelj bio Grad Gračanica (Nova godina, Dan Grada, obilježavanje godišnjice bitke na Visu, nogometnih utakmica na gradskom stadionu i sl.).

Obuka, osposobljavanje i opremanje

U Odsjeku za zaštitu od požara i vatrogastvo-PVJ Gračanica svakodnevno su se provodile aktivnosti na obučavanju i uvježbavanju pripadnika iz oblasti zaštite od požara i vatrogastva po Planu i programu obučavanja (teoretska obuka i praktična obuka na tehnicima).

U skladu sa Planom i programom obuke za stručno osposobljavanje, uvježbavanje i kondicioniranje profesionalnih vatrogasaca, komisija imenovana od strane Gradonačelnika u februaru mjesecu 2022. godine je izvršila testiranje i provjeru osposobljenosti profesionalnih vatrogasaca, kao i provjeru njihove fizičke spremnosti. Provjeru znanja prošlo je 13 vatrogasaca, a provjeru fizičke spremnosti 9 vatrogasaca (stariji od 50 godina ne podliježu provjeri fizičke spremnosti).

Takođe obuku je prošao i starješina PVJ na temu „ Gašenje požara otvorenog prostora i sistem komandovanja u kriznim situacijama“ koju je organizovao USFS- Ured za međunarodne programe Uprave za šume Sjedinjenih Američkih Država u BiH .

Pored naprijed navedenog obuku iz oblasti zaštite na radu, koju je organizovao Institut za sigurnost i kvalitet Gračanica, prošlo je 11 namještenika u PVJ Gračanica.

Po donošenju novog Pravilnika o zaštiti od požara u Jedinstvenom gradskom organu uprave, stručnim i drugim službama za upravu Grada Gračanica od strane Gradonačelnika, na prijedlog Službe za civilnu zaštitu donesen je Plan obuke zaposlenika, državnih službenika i namještenika iz oblasti zaštite od požara, koji zbog pogoršane epidemiološke situacije sa COVID-19 nije realizivan u 2021, godini već u januaru 2022. godine. Obuku i provjeru su organizovali i proveli uposlenici Službe za civilnu zaštitu, a ovaj vid edukacije iz oblasti zaštite od požara završilo je 87 uposlenika, dok 4 uposlenika zbog bolovanja nisu završili obuku, a 47 uposlenika po drugim osnovama nisu bili obavezni proći obuku i provjeru znanja(uposlenici PVJ, stariji od 60 godina i dr.)

U decembru 2022. godine i januaru 2023. godine okončani su radovi na zidanju zidova, elektro instalacijama i unutrašnjem malterisanju objekta uz vatrogasni dom u kojem će se nalaziti skladište za smještaj opreme za civilnu zaštitu, kao i garaže za vatrogasna vozila, a vrijednost radova je iznosila je 23.748,12 KM. Radovi su finansirani iz Budžeta Grada (sredstva civilne zaštite).

U 2022. godini postupkom javne nabavke za potrebe Službi zaštite i spašavanja Grada Gračanica nabavljen je kamion cisterna kapaciteta 10.000 l (rabljen), koja će služiti i PVJ kao prateće vozilo za dopunu vode navalnim vozilima, a i za prevoz vode za druge potrebe. Vrijednost vozila je 85.410 KM.

4.Praćenje i izvršenje Plana zaštite od požara

Plan zaštite od požara je dokument kojim je utvrđena organizacija i način provođenja mjera zaštite i spašavanja od požara, određeni zadaci za organe vlasti, pravna i fizička lica i druge subjekte na zaštiti i spašavanju. Planom su, takođe predviđene snage i sredstva potrebne za

neposredno ostvarivanje mjera predviđenih Zakonom o zaštiti od požara i vatrogastvu i drugim propisima koji regulišu ovu oblast.

Propisano je da Plan zaštite od požara izrađuju svi državni organi i druge institucije i pravna lica čije su građevine prema požarnoj ugroženosti razvrstane u kategoriju PU1 ili PU2.

Planom zaštite od požara koje je usvojilo Gradsko vijeće Gračanica na sjednici održanoj 29.04.2022. godine, utvrđeno je da vlasnici, korisnici ili zajednički upravitelji građevina moraju sprovesti mjere zaštite od požara koje podrazumijevaju organizacijske, tehničke i tehnološke mjere koje smanjuju rizik od požara i povećavaju požarnu sigurnost, kao i preduzimanje i staranje o svim propisanim preventivnim mjerama zaštite od požara i eksplozije koje su propisane članovima 9., 10. i 11. Pravilnika o uslovima, osnovama i kriterijima za razvrstavanje građevina u kategorije ugroženosti od požara ("Službene novine FBiH", broj: 79/11).

Na osnovu naprijed nevedenog Pravilnika, vlasnici, korisnici i upravitelji građevina iz kategorije požarnih ugroženosti PU1 i PU2 su obavezni svoje planove zaštite od požara dostaviti Službi za civilnu zaštitu, odnosno Profesionalnoj vatrogasnoj jedinici, kao i druge podatke o stanju organizovanosti zaštite od požara u svojim preduzećima, ustanovama i dr.

Zbog različitih izmjena u organizaciji zaštite od požara u privrednim i drugim pravnim licima, kao i promjenom požarnog opterećenja izgradnjom objekata i pogona, Plan zaštite od požara se mora ažurirati, kako bi se ti uticajni faktori uzeli u obzir. Iz tog razloga, za ažuriranje dokumenata iz oblasti zaštite od požara iz nadležnosti općine/grada (Procjena ugroženosti od požara i Plan zaštite od požara), angažovana je firma koja se bavi ovom djelatnošću, te su navedeni dokumenti prošli potrebne procedure, a Plan je donesen na gore pomenutoj sjednici Gradskog vijeća.

Takođe, ispunjavajući zakonsku obavezu, Grad Gračanica je donio i Pravilnik o zaštiti od požara u Jedinstvenom gradskom organu uprave, stručnim i drugim službama za upravu Grada Gračanica, u objektima u kojima rade zaposlenici gradske uprave. Pravilnikom je definisana organizacija i funkcionisanje zaštite od požara u objektima gradske uprave, način organizovanja i ostvarivanja zaštite od požara, mjere za provođenje i unapređenje zaštite od požara, način provođenja plana zaštite od požara, dužnosti i način ponašanja zaposlenih lica u slučaju pojave požara, propisana obaveza postavljanja i dužnosti stručnog lica zaduženog za provođenje mjera zaštite od požara, te propisana disciplinska odgovornost zaposlenih lica zbog nepridržavanja propisanih mjera zaštite od požara.

Plan zaštite od požara obavezuje privredna društva i druga pravna lica koja donose svoje propise iz ove oblasti da iste usklađuju sa Planom i da sve izmjene-ažuriranje dostavljaju Službi za civilnu zaštitu.

U donjoj tabeli dat je prikaz pravnih lica koja su u 2022. godini dostavila podatke o ispunjavanju obaveza iz oblasti zaštite od požara i zaštite i spašavanja od prirodnih i drugih nesreća.

Red. broj	Naziv pravnog lica	Datum dostavljanja obavijesti o ispunjavanju obaveza iz Plana ZOP
1.	JP „Šume TK“ Kladanj	12.03.2022. godine dostavljen ažuriran spisak povjerenika civilne zaštite u JP „Šume TK“
2.	„Isowood“ d.o.o. Gračanica	24.03.2022. godine –ažuriran spisak povjerenika CZ
3.	„Poly“ d.o.o. Gračanica	27.04.2022.-imenovani povjerenici CZ
4.	JU Centar za obrazovanje odraslih Gračanica	25.05.2022.-imenovani povjerenici CZ

5. Stanje i potrebe za opremanjem vatrogasne jedinice

Kada se govori o stanju vatrogasne opreme, posebno vozila mora se istaći da je osnovna karakteristika svih vozila u PVJ Gračanica je velika starost (prosjeak više od 32 godine) i relativno mala zapremina spremnika za vodu i pjenilo, te ograničene pogonske i manevarske sposobnosti na različitim vrstama terena (nagib, kvalitet podloge-puta, širina ulica i sl.).

Sva vozila su izrabljena više nego što je propisano od strane proizvođača, tako da su sa tehničkog aspekta nepouzdana i ne daju efekat koji se očekuje u pogledu brzine izlaska na intervenciju, što se u nekoliko navrata i praktično pokazalo. Zbog takvih tehničkih karakteristika predstavljaju potencijalnu opasnost i za same vatrogasce i druge učesnike u protivpožarnim intervencijama.

Pregled vozila sa kojima raspolaže PVJ Gračanica dat je u donjoj tabeli.

Red. broj	Naziv i oznaka vozila	Godina proizvodnje	Snaga motora (KW)	Namjena
1.	Renault Master FDCVL 5 N-1 Teretno vozilo	2005.	73	Medicinsko
2.	Iveco 165-24 N-2 Teretno vozilo	1986.	177	Navalno
3.	VWA Caravele M1-Putnički automobil (kombi)	1987.	51	Za prevoz ljudi
4.	Berliet FPT 770KB N2-Teretno vozilo	1979.	176	Navalno
5.	FAP13/14 N3-Terensko vozilo	1984.	107	Prateće
6.	Mercedes Benz LA 911B36 N2-Terensko vozilo	1974.	81	Za šumske požare
7.	Berliet FPT 770KB N2-Terensko vozilo	1978.	176	Navalno
8.	VW Caddy life M1-Putničko vozilo automobil	2004.	77	Komandno
9.	MAN N28 TGM 18.330 4X2LL N3-TERETNO VOZILO MAN AG CISTERNA	2008	/	Cisterna za vodu kapaciteta 10.000 l vode (VOZILO ZA SLUŽBE ZAŠTITE I SPAŠAVANJA)
10.	Priključno vozilo SPECIJALNO- ZA PREVOZ ČAMACA	2022	/	Prikolica za prevoz čamaca (VOZILA ZA SLUŽBE ZAŠTITE I SPAŠAVANJA)

Organizacija, popuna, formacije vatrogasnih snaga kao i rokovi i količine materijalno-tehničkih sredstava potrebne za nesmetano funkcioniranje vatrogasnih snaga utvrđeni su u odredbama Zakona o zaštiti od požara i vatrogastvu („Službene novine Federacije BiH“, broj: 64/09) i podzakonskim propisima donesenim na osnovu Zakona, kao i Planom zaštite od požara Grada Gračanica i Programom razvoja zaštite i spašavanja ljudi i materijalnih dobara od prirodnih i drugih nesreća Grada Gračanica 2023.-2027. godina.

S obzirom da se radi o specifičnoj djelatnosti i organizaciji, koja iziskuje posebne ljudske i materijalne resurse, t.j. veće finansijske izdatke, isti se obezbjeđuju planiranjem u budžetu Grada Gračanica, kao i sa viših nivoa vlasti (apliciranje na različite projekte i javne pozive). U cilju implementacije propisa smatramo da treba preduzeti sve mjere kako bi se omogućila nabavka modernijih vatrogasnih vozila i druge opreme za potrebe vatrogasnih jedinica.

Ostala oprema i sredstva koja se koriste u protivpožarnim i drugim intervencijama (pumpe, agregati, tehnički alati i dr.) su zadovoljavajućeg stanja i zbog manje cijene koštanja češće se zadržavaju sredstvima koja se planiraju u Budžetu Grada.

Cilj svih aktivnosti vezanih za popravljivanje stanja vozila i opreme je podizanje intervencijske gotovosti i efikasnosti vatrogasne jedinice na što veći nivo, čime će biti osigurana zaštita građana i njihove imovine na prostoru koje pokriva gradska uprava.

Zaključak

Kako bi se sistem zaštite od požara na području grada podigao na viši nivo, potrebno je u narednom periodu iznaći način za obezbijedenje finansijskih sredstva za nabavku nedostajućih vatrogasnih vozila i druge opreme, te dovršiti izgradnju započetog objekta (magacin čiz i garaža za vatrogasna vozila i opremu) za njihov adekvatan smještaj. Nedostajući broj ljudi u Profesionalnoj vatrogasnoj jedinici će se popunjavati u skladu sa zakonskim odredbama i finansijskim mogućnostima Grada Gračanica.

Nabavkom nedostajuće opreme i sredstva i uz postojeća sredstva, obezbijedio bi se siguran i efikasan rad Profesionalne vatrogasne jedinice, a njenom kadrovskom popunom osigurao bi se potreban broj izvršilaca po smjenama, što sada nije slučaj. To bi omogućilo osposobljavanje i obučavanje pripadnika jedinice, naročito u pogledu operativnog nastupanja jedinice u pojedinim situacijama. Sve to bi se odrazilo na sigurnost građana i imovine, a time i njihovo povjerenje u djelovanje ove jedinice.

U cilju edukacije stanovništva iz oblasti zaštite od požara otvorenih prostora i u građevinama, Služba za civilnu zaštitu će, u saradnji sa nadležnim inspekcijama iz oblasti šumarstva i zaštite od požara, putem lokalnih medija kroz upozorenja šta činiti u slučajevima pojave požara, nastojati podići stepen odgovornosti građana i drugih pravnih i fizičkih lica u ovoj oblasti.

U stambenim blokovima putem upravitelja, potrebno je osigurati provođenje preventivnih i operativnih mjera zaštite i spašavanja (redovna kontrola i ispitivanje hidrantske mreže i vatrogasnih aparata, nabavka novih pp aparata, obezbijediti ispravnost i prohodnost požarnih stepeništa u stambenim objektima, redovno vršiti kontrolu i čišćenje dimnjaka, te tavanskih i podrumskih prostorija).

U cilju stvaranja mogućnosti za nesmetano provođenje protivpožarnih intervencija u užem gradskom prostoru gdje je otežan pristup vatrogasnim vozilima, potrebno je obnoviti i u funkcionalnom stanju održavati hidrantsku mrežu. U tom smislu potrebno je i u drugim naseljenim mjestima-mjesnim zajednicama u kojima postoji redovno snabdijevanje vodom vršiti ugradnju hidrantske mreže koja bi služila vatrogasnim jedinicama za gašenje požara i punjenje vatrogasnih cisterni vodom. Potrebno je takođe, shodno odredbama Zakona o zaštiti i spašavanju ljudi i materijalnih dobara od prirodnih i drugih nesreća promovirati potrebu nabavljanja aparata za gašenje požara u svako domaćinstvo, čime bi se povećala mogućnost odgovora na pojavu požara u stambenim objektima.

Podizanjem svijesti o potrebi unapređenja ove oblasti, doslednim provođenjem zakonskih propisa u fazi projektovanja objekata, putne infrastrukture, montaže opreme i u toku izvođenja proizvodnih procesa, materijalno-tehničkim opremanjem profesionalne vatrogasne jedinice i obukom zaposlenih u svim preduzećima i ustanovama i stanovništva, stvorit će se pretpostavke za efikasniju organizaciju zaštite od požara, odnosno smanjiti stepen ugroženosti od požara ljudi i materijalnih dobara.

Gračanica, februar 2023. godine

SLUŽBA ZA CIVILNU ZAŠTITU